

粵東善書局代送

龍鍾氏敬送

治疫彙編

粵東十七甫
明倫閣承印

楊玉衡先生手著
李石樵先生輯本

閣承印

寒溫條辨治疫彙編

粵東潤身社藏

人生百病隨其所染。染者實各有不同。而傳染之
侵。傳染流行。無論老少男女。均異人而同病。施治者
若無把握。藥物雜投。則稍緩須臾。即挽回無術。羊城
去冬。天時煖燠。地氣發洩過甚。故入春以後。疫氣流
傳。染症者瞬息變幻。投以辛溫表散。施治罔效。惟前
輩 栗山楊玉衡先生。業精岐黃。著有寒溫條辨。多
發前人未發。其用藥劑。主以清解化毒之品。十五方
加減變化。回生起死。甚為奇驗。近 南海縣

生復將原書刪其繁雜輯其精要名曰
疫彙編誠治疫之指南救時之要用也僕等憫癘
之未消覩良方之神驗特將先生編輯付之梓人以
廣其傳庶瘡痍之衆疾苦之人操此一編可恃無恐
從此春臺共上壽域同登區區之心竊為馨香之祝
云爾

光緒二十年歲在甲午孟夏下浣 勞肇光

粵城閭身社贈醫局同人拜序

彙輯楊璿溫病十五方四言序

溫疫一病 千古疑城 楊氏所著 方論最精 醫書充棟

美莫能并 揭其大旨 以質高明 從無陰證 一語先聲

表裏虛實 務必詳明 輕用涼散 重則瀉清 辛溫發汗

垂戒非輕 理宜遵守 勿妄紛更 今歲我粵 溫疫盛行

余依法治 百不一傾 思濟人病 噓稿轉榮 因爲彙輯

以付手民 顏曰治疫 彙輯成編

光緒歲次甲午孟夏南海李朝棟石樵氏書於穗垣西之文

寒溫條辨治疫彙編目錄

溫病十五方

升降散

神解散

清化湯

芳香飲

大清涼散

小清涼散

大復甦飲

小復甦飲

增損三黃石膏湯

增損大柴胡湯

增損雙解散

加味涼膈散

加味六一順氣湯

增損普濟消毒飲

解毒承氣湯

地龍湯

溫病復病治法

太平圓酒

妊娠溫病

產後溫病

三合湯

小兒溫病

加味太極丸

溫病脈證辨

溫病與傷寒根源辨

溫病與傷寒治法辨

溫病與傷寒不同診脈義

溫病非時行之氣辨

四損不可正治辨

溫病大頭六證辨

活血解毒方

溫病十五方

升降散

此溫病之總方也。如頭痛、眩暈、胸膈脹悶、心腹疼痛、嘔

噦、吐食者。如內燒作渴、上吐下瀉、身不發熱者。如增寒壯熱、

一身骨節痠痛、飲水無度者。如四肢厥冷、身涼如水、而氣噴

如火、煩燥不寧者。如身熱如火、煩渴引飲、頭面猝腫、其大如

斗者。如咽喉腫痛、痰涎壅盛、滴水不能下嚥者。如遍身紅腫、

發塊如瘤者。如斑疹雜出、有似丹毒、風瘡者。如胸高脇起、脹

痛、嘔如血汁者。如血從口鼻出、或目出、或牙縫出、毛孔出者。

如血從大便出、甚如爛瓜肉、屋漏水者。如小便瀉淋、

點作疼不可忍者。如小便不通。大便水瀉無度。肢痛腸鳴。如雷者。如便清瀉白。足重難移者。如肉瞶筋惕者。如舌捲囊縮者。如舌出寸許。絞擾不住。音聲不出者。如譫語狂亂。不省人事。如醉如癡者。如頭痛如破。腰痛如折。滿面紅腫。目不能開者。如熱盛神昏。形如醉人。哭笑無常。目不能閉者。如手舞足蹈。見神見鬼。似瘋癲狂祟者。如誤服發汗之藥。變爲亡陽之證。而發狂叫跳。或昏不識人者。外證不同。受邪則一。凡未曾服過他藥者。無論久近。但服此散。無不輒效。

白殭蚕

酒炒
貳錢

全蠅蛻

去土
壹錢

廣薑黃

去皮
叁分

川大黃

生用
四錢

右秤准爲細末合研勻病輕者分四次服用黃酒一盅蜂蜜
五錢調勻冷服中病卽止病重者分三大服黃酒盅半蜜七
錢半調勻冷服最重者分二次服黃酒二盅蜜一兩調勻冷
服斷不可用蒸酒胎產亦不思煉蜜丸名太極丸服法全前
按處方必有君臣佐使而又兼引導此良工之大法也是方以殭
蠶爲君○蟬蛻爲臣○姜黃爲佐○大黃爲使○米酒爲引○蜂蜜爲導○六法
俱備而方乃成○竊嘗考諸本草而知殭蠶味辛苦○氣薄○喜燥惡濕○
得天地清化之氣○輕浮而升○陽中之陽○故能勝風除濕○清熱解鬱○
從治膀胱相火○引清氣上朝於口○散逆濁結滯之痰也○其飲蜜而

兼土與木。老得金水之化。殭而不腐。溫病火炎土燥。焚木燬金。得秋分之金氣而自衰。故能辟一切怫鬱之邪氣。夫蠶必三眠三起。眠者病也。合簿皆病。而皆不食也。起者愈也。合簿皆愈。而皆能食也。用此而治合家之溫病。所謂因其氣相感。而以意使之者也。故爲君。夫蟬氣寒無毒。味鹹且甘。爲清虛之品。出糞土之中。處極高之上。白甘風露而已。吸風得清陽之真氣。所以能祛風而勝濕。飲露得太陰之精華。所以能滌熱而解毒也。蛻者退也。蓋欲人退去其病。亦如蟬之蛻然無恙也。亦所謂因其氣相感。而以意使之者也。故爲臣。姜黃氣味辛苦。大寒無毒。蠶人生啖。喜其祛邪伐惡行。

氣散鬱能入心脾二經建功闢疫故爲佐大黃味苦大寒無毒上
下通行蓋亢甚之陽非此莫抑苦能瀉火苦能補虛一舉而兩得
之人但知建良將之大勳而不知有良相之碩德也故爲使米酒
性大熱味辛苦而甘令飲冷酒欲其行遲傳化以漸上行頭面下
達足膝外周毛孔內通臟腑經絡驅逐邪氣無處不到如物在高
巔必奮飛冲舉以取之物在遠方及深奧之處更必迅奔探索以
取之且喜其和血養氣伐邪辟惡仍是華陀舊法亦屠蘇之義也
故爲引蜂蜜甘平無毒其性大涼主治丹毒斑疹腹內留熱嘔吐
便秘欲其清熱潤燥而自散溫毒也故爲導蓋蠶食而不飲藥而

便無小便。以清化而升陽。蟬飲而不食。有小便無大便。以清虛而散火。君明臣良。治化出焉。姜黃辟邪而靖疫。大黃定亂以致治。佐使同心。功績建焉。酒引之使上行。蜜潤之使下導。引導協力。遠近通焉。補瀉兼行。無偏勝之弊。寒熱並用。得時中之宜。所謂天有覆物之功。人有代覆之能。其洵然哉。是方不知始自何氏。初名爲賠賑散。用治溫病。服者皆愈。以爲當隨賑濟而賠之也。予更其名曰升降散。蓋取殭蠶蟬蛻升陽中之清陽。姜黃大黃降陰中之濁陰。一升一降。內外通和。而雜氣之流毒頓消矣。又名太極丸。以太極本無極。用治雜氣無聲無臭之病也。乙亥丙子丁丑。吾邑連歉。溫

氣盛行死者枕藉。予用此散救大證怪證壞證危證得愈者十數人其餘無算。更將此方傳施親友貼示集市全活甚眾。可與河間雙解散並駕齊驅。名曰升降亦雙解之別名也。

神解散 凡溫病初覺憎寒體重壯熱頭痛四肢無力徧身痠痛

口苦咽乾胸腹滿悶者此方主之

白殭蠶

酒炒壹錢

全蟬蛻

五個

神曲

叁錢

金銀花

貳錢

生地

貳錢

木通

車前

子

炒研

黃芩

酒炒

黃連

黃柏

炒

桔梗

各壹錢

水煎去渣入冷黃酒半小杯蜜三匙和勻冷服

此方之妙不可殫述。溫病初覺但服此藥俱有奇驗。外無表藥而

汗液流通。裏無攻藥。而熱毒自解。有斑疹者。即現而內邪悉除。此其所以為神解也。

清化湯 溫病壯熱。憎寒。體重。舌燥。口乾。上氣喘吸。咽喉不利。頭

面猝腫。目不能開者。此方主之。

白殭蠶酒炒 全蟬蛻十個 金銀花式錢 澤蘭葉式錢 廣皮八分 黃芩式錢

黃連 枝子炒 連翹去心 龍胆草酒炒 元參 桔梗各壹錢 白附子炮

甘草各五分 大便實。加酒大黃四錢。咽痛。加牛蒡子一錢。炒研。

頭面不腫。去白附子。

水煎去渣。入蜜酒冷服。

芳香飲

溫病多頭痛身痛心痛脇痛嘔吐黃痰口流濁水涎如紅汁腹如圓箕手足搐搦身發斑疹頭腫舌爛咽喉痺塞等症此雖怪怪奇奇不可名狀皆因肺胃火毒不宣鬱而成之耳治法急宜大清大瀉之但有氣血損傷之人遽用大寒大苦之劑恐火轉閉塞而不達是害之也此方主之其名芳香者以古人元旦汲清泉以飲芳香之藥重滌穢也

元參壹兩 白茯苓五錢 石膏五錢 蟬蛻全十 白殭蠶酒炒 荆芥叁錢 天花

粉叁錢 神麴炒叁錢 苦參叁錢 黃芩貳錢 陳皮 甘草各壹錢

水煎去渣入蜜酒冷服

大清涼散

溫病表裏三焦大熱、胸滿、脇痛、耳聾、目赤、口鼻出血、

唇乾、舌燥、口苦、自汗、咽喉腫痛、譫語狂亂者、此方主之、

白殭蠶

酒炒三錢

全蟬蛻

十二只

全蝎

去毒三箇

當歸

生地

酒洗

金銀花

澤蘭

各式錢

澤瀉

木通

車前子

炒研

黃連

羌汁炒

黃芩

枝子

炒黑

五味子

麥冬

去心

胆草

酒炒

丹皮

知母

各壹錢

甘草

五分

水煎去渣、入蜂蜜三匙、冷米酒半小杯、童便半小杯、和勻、冷

服、

小清涼散

溫病壯熱、煩燥、頭沉、面赤、咽喉不利、或唇口、頰、腮、腫、

者、此方主之、